

SAILIGA MALO A SAMOA I IE SITISENI NIU SILA

Lagolagoina o le pili taufa'aofoi a MP Teanau Tuiono e toe fa'afoi mai le Sitiseni Niu Sila o tagata Samoa sa ave'esea e le Citizenship (Western Samoa) Act 1982 Bill

O le ototoga leni o le sailiga malo ua silia ma le lua tausaga o galulue ai le alii faipule ia MP Teanau Tuiono ma le Taeao o Faiva (itupa Samoa o le Pacific Leadership Forum i Niu Sila), le Fono Faufautua a Samoa ma le Mafutaga Soofa'atasi Faifeau Samoa i Aukilani.

E le itiiti foi le fa'amalo i lo tatou atunuu i vaega eseese o Niu Sila fa'apea Samoa, Ausetalia, Amerika Samoa, Amerika ma tafa e fia o le lalolagi sa tofu sao i le toe lagaina o le mataupu i le sitiseni o tagata Samoa na ave'esea e le tulafono a Niu Sila o le 1982.

(4 Aukuso 2022) Ina ua iai le finagalo o le alii faipule ia MP Teanau Tuiono e fa'aulu lana pili taufa'aofoi i le Palemene o Niu Sila, sa ia ta'pa ai le lagolago a taitai o Samoa o loo alala i Niu Sila e auala atu i le Pacific Leadership Forum poo le fono a taitai o le Pasefika i totonu o Niu Sila.

O leni feiloaiga sa faia i le ofisa o le Green Party i Aukilani i le aso 4 Aukuso 2022 ma fa'alauiloa aloaia ai loa leni mataupu. O le afioga i le aloalii ia Fepuleai Semi Fepuleai, o le taitaifono o le itupa Samoa o le PLF sa ia momolia le fa'amanuiaga ma le lagolago a Samoa mo le fa'amoemoe o Teanau Tuiono.



(11 Aukuso 2023) Maea le faigapalota tele a Niu Sila o le 2023 ma ua toe pale mai MP Teanau Tuiono o le faipule o le vaega fa'upufai a le Green Party ma fa'asolo ai loa galuega a le Palemene. I le maea o le sefina o pili taufa'aofoi a faipule (member's bills), na manuia mai ai le pili taufa'aofoi a MP Teanau Tuiono. Na toe talosaga ai le alii faipule mo se feiloaiga ma taitai o Samoa i Niu Sila i le aso 11 Aukuso 2023. O lea feiloaiga sa auai taitai o le Pacific Leadership Forum, Mafutaga Soofa'atasi Faifeau Samoa ma taitai o le Fono Faufautua a Samoa i Aukilani. O lea feiloaiga na aumai ai le manaoga o MP Teanau Tuiono e faia ni fesootaiga ma vaega fa'upufai uma i le Palemene o Niu Sila e lagolago mai i le pili.



SAILIGA MALO A SAMOA I LE SITISENI NIU SILA



Silasila i le ripoti a le soakomiti o le Palemene o Niu Sila o loo fa'amatala ai le a'fua'fua mai o lenei mataupu. E amata mai i le taimi o pulea Samoa e Niu Sila, ma o le mafuaga lea o le agai mai o Samoa i Niu Sila e galulue ma nonofo ai. O le mau autu foi lea na finau ai le tamaitai Samoa o Falemai Lesa i lana mataupu i le fa'amasinoga maualuga a Peretania le Privy Council ma to mai ai le fa'amanuiaga o Samoa sa soifua i le va o le 1924 ma le 1949 ma a latou fanau e avea ai ma tagata nuu o Niu Sila.

Home / Samoa /

Kiwi PM will not support Samoan bill

SAMOA



TT Teanau Tuiono 11:17 AM
To: Edwin & 7 more... >

RE: Information for Restoring Citizenship Removed By Citizenship (Western Samoa) Act 1982 Bill (Teanau Tuiono Member's Bill)

Kia orana

Thank you very much for sending these important letters and for your continued advocacy for our communities – Hopefully I will see some of you here.

All the best,
Teanau

Teanau Tuiono, Green Party List MP based in Palmerston North



Peitai o lenei finauga e le o se mataupu e faigofie ia Niu Sila. I le feiloaiga a le Palemia o Niu Sila ia Christopher Luxon ma le Palemia o Samoa ia Fiamē Naomi Mata'afa ia Tesema 2023, sa ripoti ai le finagalo o le Palemia o Niu Sila e na te le lagolagoina le pili mo le toe fa'afoi mai o le sitiseni Niu Sila o tagata Samoa. O le maitau foi lena a le toatele e pei ona ripoti e niusipepa i Samoa ma Niu Sila.

E mafua lea ona ua 42 tausaga e le o tafa le finagalo o le Malo o Niu Sila. O le tausaga e 2022 sa savalia ai e le Mau o le Sitiseni le Palemene o Niu sila ma le sainigalima e silia ma le 90,000. Peitai e le i talia lea talosaga (petition).

O faiva o Fiti e lililo ma o le ala foi lea o le ta'ialalo o le i'a a le aiga Sa Saumani ia foia ai le laga'ia o finagalo o le toatele o tagata nuu o Niu Sila i lenei mataupu a o tau fa'afoi i le Palemene.

SAILIGA MALO A SAMOA I IE SITISENI NIU SILA

(10 Aperila 2024) A o lumanai le tolaulauga muamua i le aso 10 Aperila 2024, a ua taulima e PM Christopher Luxon, DPM Vaovasamanaia Winston Peters, faápea minisita Hon Brooke van Velden, Hon Shane Reti, Hon Judith Collins ma Hon. Erica Stanford le talosaga a taitai o Samoa.

(3 Me 2024) O le maea ai ona pasia le pili taufa'aofi na feiloai ai loa Samoa potopoto ma le alii faipule ia Teanau ma le taitai o le Green Party, MP Marama Davidson faápea faipule ia MP Ricardo Menendez March ma MP Huhana Lyndon. O le autu o lea feiloaiga o le fa'amautuina o le galulue vavalalata o le Green Party ma Samoa potopoto i lenei mataupu. O lea feiloaiga sa auai le Komesina Maualuga o Samoa i Niu Sila le afioga Afamasaga Faámatala Toleafoa ma le Konesula o Samoa i Aukilani le afioga ia Afemata Palusalue Faápo II.



(Me 2024) O le amataga lea o le galuega tele e logo pualii lo tatou atunuu i Niu Sila nei ma soo se tafa o le lalolagi i le taua o lenei mataupu mo tagata Samoa. E le gata i lea, a o le faámaopopoina o finagalo tusitusia (written submissions) e 24,581 sa tuuina atu i le soakomiti o le Palemene.



SAILIGA MALO A SAMOA I IE SITISENI NIU SILA



(1 Iulai 2024) O se tasi o vaega taua, o le avanoa sa mafai ona folasia ai i luma o le soakomiti ia Iuni ma Iulai 2024 o finagalo tuu fofoga (oral submissions) e 142 mai tagata taitoatasi faápea faálapotopotoga e le gata ia i latou sa auai, ae fa'apea foi i latou sa fesootai mai i auala faátenekolosi.




SAILIGA MALO A SAMOA I IE SITISENI NIU SILA

(3 Iulai 2024) O le aso 3 Iulai sa talimalo ai Samoa potopoto i Aukilani i le taitai o le ACT Party ia Hon David Seymour ma le faipule ia MP Parmjeet Parmar. O le masi'i mai o le fala siigata i le ACT Party na saunoa ai Seymour ua silia ma le tolusefulu tausaga o iai lona fa'amoemoe e fia feiloai mai ia Samoa ma le Pasefika ma o le a'so ua maua ai lea sootaga taua.



SAILIGA MALO A SAMOA I IE SITISENI NIU SILA

(30 Aukuso 2024) O le aso 30 Aukuso sa talimalo ai Samoa potopoto i Aukilani i le afioga i le taitai o le vaega faáupufai o le New Zealand First Hon Vaovasamanaia Rt Hon Winston Peters, o ia foi o le Sui Palemia o Niu Sila. Sa faápea ona auai uma faipule o le NZ First i lenei feiloaiga.



rnz.co.nz
'We are going to do right for Samoa' - Winston Peters on citizenship bill



SAILIGA MALO A SAMOA I IE SITISENI NIU SILA

(12 Oketopa 2024) O le maea ai o le galuega a le soakomiti o le Palemene o Niu Sila i le aso 9 Oketopa 2024 sa tuuina atu ai loa lana ripoti i le Palemene mo le iloiloina e sui o le Maota a o lumanai le tolaulauga lona lua o le pile a MP Teanau Tuiono. O le avanoa foi lea sa feiloai ai Samoa potopoto i Aukilani ma le faipule ia MP Teanau Tuiono faápea le soataitai o le Green Party ia MP Chloe Swarbrick e faámalamalama le iuga o le iloiloiga a le soakomiti e pei ona faámauina i le ripoti.



SAILIGA MALO A SAMOA I IE SITISENI NIU SILA

(24 Oketopa) A o lumanai le tolaulauga lona lua i le aso 24 Oketopa, a ua taulima e vaega fa'aupufai uma e ono i le Palemene fesootaiga ma le talosaga aloaia a taitai o Samoa e talosagaina ai le lagolagoina o le pili a MP Teanau Tuiono i le tolaulauga lona lua.

O le agaga fa'afetai i le maea o le tolaulauga lona lua, na auaufa'atasi ai le Green Party, Labour Party, Te Pati Maori, NZ First Party, ACT Party fa'apea ma le National Party e pasia le pili taufa'aoafi a MP Teanau Tuiono mo le tuuina atu i le Committee of Whole House.



SAILIGA MALO A SAMOA I IE SITISENI NIU SILA

(6 Novema 2024) A o lumanai le Committee of Whole House i le aso 6 Novema 2024, a ua taulima e vaega fa'aupufai uma e ono i le Palemene fesootaiga ma le talosaga aloaia a taitai o Samoa e talosagaina ai le lagolagoina o le pili a MP Teanau Tuiono. Faátasi ma le talosaga mo le faia o se teuteuga i le pili taufaáofi e agavaa ai Samoa sa soifua mai tua o lona tutoatasi i le 1962. Sa faápea foi ona tuuina atu ma le talosaga mo le faápafala o le 10 tausaga talu ona maua le sitiseni Niu Sila ona faátoa agavaa lea i le tupe maua o le peinisiona.

Sa auau faátasi vaega fa'aupufai e ono e lagolagoina le pili. Peitai na teena teuteuga sa tuuina atu e MP Teanau Tuiono ia aofia ai alo ma fanau a i latou sa soifua mai i le aso 13 Me 1924 se ia oo i luma mai o le aso 1 Ianuary 1949. E le i talia foi le talosaga ina ia ave ese le tupe totogi mo le faáuluina o talosaga. Peintai na pasia le teuteuga na faáulu e le sui faipule o le NZ First Party ia MP Andy Forster ia toe faáfoi le tupe totogi mo le faáuluina o le talosaga pe a manuia.

(20 Novema 2024) A o lumanai le tolaulauga lona tolu i le aso 20 Novema 2024, a ua taulima e vaega fa'aupufai uma e ono i le Palemene fesootaiga ma le talosaga aloaia a taitai o Samoa e talosagaina ai le lagolagoina o le pili a MP Teanau Tuiono e avea ai ma tulafono. O le agaga fa'afetai i le maea o le tolaulauga lona tolu, na auaufaátasi ai le Green Party, Labour Party, Te Pati Maori, NZ First Party, ACT Party fa'apea ma le National Party e pasia le pili taufa'aofi a MP Teanau Tuiono e avea ma tulafono o le Palemene o Niu Sila.



SAILIGA MALO A SAMOA I IE SITISENI NIU SILA



(25 Novema 2024) I le maea o le tolaulauga lona tolu o le pili taufaáofi a MP Tenau Tuiono ma ua pasia e avea o se tulafono o le Palemene o Niu Sila. Na see atu ai loa i le Kovana Sili o Niu Sila, Dame Cindy Kiro, e na te sainia le pule faámalumalu (royal assent) ina ia aloaia ai loa le tulafono ua taua o le Citizenship (Western Samoa) (Restoration) Amendment Bill mo galuega a le Department of Internal Affairs e mafai ai ona talosagaina le sitiseni Niu Sila e Samoa e agavaá i lenei faámanuiaga.

(26 Novema 2024) O le aso 26 Novema 2024 na amata tatala ai loa le faáuluina o talosaga mo le sitiseni Niu Sila mo tagata Samoa sa soifua i Samoa mai le aso 13 Me 1924 se ia oo i luma mai o le aso 1 Ianuari 1949. O pepa talosaga ma faámatalaga uma o loo mafai ona maua mai lea i soo se ofisa o Niu Sila i atunuu mamao e aofia ai Samoa. Poo le silasila i le upegatafaillagi a le Department of Internal Affairs.

SAILIGA MALO A SAMOA I IE SITISENI NIU SILA

(29 Novema 2024) O le Aso Faraile 29 Novema 2024 sa aofia potopoto ai loa Samoa i le Lotu Fa'afetai mo le Sitiseni Niu Sila, se i fusifusi la'au o le ta'ua ae momoli lapalapa o malo i Foga'a. O lea faámoemoe sa auai le susuga i le faipule ia MP Teanau Tuiono faápea MP Chloe Swarbrick le soa-taitai o le Green Party, le minisita ia Hon Cassey Costello, MP Rima Nakhle (National Party), MP Tanya Unkovichi (NZ First Party), MP Parmjeet Parmer (ACT Party), faápea le faipule o le aai o Aukilani Cr Daniel Newman, taitaifono o le Manurewa Local Board ia Matt Winiata ma sui o le pulega. O le Lotu Faáfetai mo le Sitiseni Niu Sila sa tapenaina e le tafatolu o sailiga malo, le Mafutaga Soofaátasi Faifeau Samoa, le Fono Faufautua a Samoa i Aukilani ma le Taaeo o Faiva le itupa Samoa o le Pacific Leadership Forum.

